



Inatsisartunut ilaasortaq
Akitsinnguaq Olsen
-/maani

Inatsisartunut ilaasortap Akitsinnguaq Olsenip, Siumut-miit § 36, imm. 1 naapertorlugu apequteqaataanut allakkatigut akissuteqaat.

12. marts 2010
Sagsnr. 2010-027148
Dok. Nr. 328321

Sulisut upalungaarsimasuusut portørillu sipaarfigineqarnerat pillugu Naalakkersuisunut apequt.

Postboks 1160
Tlf: 34 50 00
Fax: 32 55 05
3900 Nuuk
Email: pn@gh.gl
www.nanoq.gl

Inatsisartunut ilaasortap apeqqutaanut qujavunga:

1. Napparsimasunik angallassisartut kiisalu peqqinnissaqarfimmi sulisut sillimasuusut peqqinnissaqarfimmi sipaarniarfigineqarnerisa kingunerisaanik malitseqartitsisoqarpa sullissinerit ajorseriaateqarneri pillugit?
2. Naalakkersuisut tamanna pillugu misissuisitsippat?

Portørit upalungaarsimatinneqartarnerat, portørit sulisorineqartut portørinillu pigaartoqartitsisarnerup nuna tamakkerlugu allanngortinneqarsimanerat apeqqutinut tunngaviuvoq. Assersuutigalugu upalungaarsimatitsinermi portørit pingasuusarsimasut maanna ataasiinnanngortinneqarsimasoq oqaatigineqarpoq.

Napparsimmavinni nuna tamakkerlugu portørit sulisorineqartut assigiinngisitaartuaan-namikuupput, ikinnerpaamik qassiunissaannut aamma pigaartuusartut eqqarsaatigalugit malittarisassaqarani. Nalinginnaasumik portøri ataaseq unnuakkut sulisarpog ataaserlu sianerfigineqarsinnaasarluni, sumiiffilli ilaanni taamaattoqartanngilaq. Tamatumunnga assersuutitut taaneqarsinnaapput Uummannami portørit ullukkoortartut marluusartut, tassalu ataasinngornermiit tallimanngornermut, unnukkullu, unnuakkut sapaatillu akunnerisa naaneranni portøri kisimiittarpoq, Qeqertarsuarmili portøri ataasinngornermiit tallimanngornermut ullukkoortartoq kisimiittarluni.

Najukkami aqutsisuusut missingersuutit, napparsimmaveqarfimmi suliassat aaqqissugaanerlu tunngavigalugit aalajangiisarput, assersuutigalugu portørit suliassaat qanoq isumagineqassanersut aamma napparsimmaveqarfimmi sulisut tamarmiusut sulinerat qanoq aaqqissugaassanersoq. Napparsimmaveqarfimmi suliassaqarfiit ilaanni sulisunik allannguinermi sullissinerup ajorseriarnissaa siunertarineqarneq ajorpoq, sulisunilli atorluanaissaq siunertarineqartarluni ilaatigut assigiinngitsunik suliallit suleqatigiissinnerisigut napparsimasunik sullissineq siunertamut naapertuuttumik naammassineqarsinnaaqqullugu, innuttaasullu pitsaanerpaamik atugassaqaarnissaat qulakkeerniarlugu.

Portørinik sulisoqarnermi allannguinikkut najukkami ajornartorsiutinik pilersitsisoqarsimaneranik Peqqissutsimut Pitsaaliuinemullu Aqutsisoqarfimmit Naalakkersuisut ilisimasaqanngillat. Taamaattorli Peqqinnissaqarfiup sullissinera pillugu

innuttaasut misigisartagaat qaqugukkulluunniit tusarusuppagut, tassami
peqqinnissaqarfiup sullissinera qanoq ilillugu pitsanngorsarsinnaanerlutigu
Peqqissutsimut Pitsaaliuinermullu Aqutisoqarfillu ingerlaavartumik
oqaloqatigiissutigisaratsigu.

Inussiarnersumik inuulluaqquillunga

Agathe Fontain